

## Nelli monti di Cuscioni

Corsica

Musical score for the song 'Nelli monti di Cuscioni'. The score is written on four staves in treble clef with a key signature of one sharp (F#) and a 3/8 time signature. The lyrics are written below the notes.

Nel-li mon-ti di Cu - scio-ni V'e-ra na\_\_ ta\_u na zi-  
te - dra, E la so ca - ra mam - mo - ni li fa -  
cia l'an-nan-na- red-ra, E quand' el - la l'an-nan -  
na - va Stu ta - len - tu li\_\_\_ pre - ga - va.

- 1 Nelli monti di Cuscioni  
V'era nata una zitedra,  
E la so cara mammoni  
Li faccia l'annannaredra,  
E quand' ella l'annannava  
Stu talentu li pregava.
- 2 "Addurmentati pampena  
Allegrezza di mammoni,  
Ch'aghiu da allesti la cena  
E da cuscie li piloni,  
Peu to tinto babbareddu  
E per Santo to frateddu.
- 3 Quando sareti majori  
Vi faremmu lu vistitu,  
Di tanti belli culori  
L'imbustu sarà guarnito  
E la camicia strafina  
Tissuta da laurina.

- 4 Cara, la to cambiatura  
Sarà in pannu sfinazzatu,  
Fattu cun tutta la cura  
E tissu\_tu\_a Curtichiату,  
La cullana d'oru\_urnata  
E la ciccia\_ arraccamata.
- 5 Vi daremmu lu maritu  
Allivatu\_a li Stazzali,  
Un bellissimu partitu,  
E sarà lu capurali  
De li nostri muntagnoli,  
Picurai\_e capraghioli.
- 6 Quandu\_andareti spusata  
Purtareti li frinieri,  
N'andareti\_in cavalcata  
Cun tutti li bullacheri  
Passareti\_insannicciata  
A caramusa\_imbuffata.
- 7 Lu sposu n'andrà davanti  
Cu li so belli cusciali.  
Vi sarannu tutti-quanti  
Li so cucini carnali.  
Alla Zonza\_ed a Tavera  
Vi farannu la spallera.
- 8 Quandu\_arrivate\_a Stazzona  
Duve\_aveti poi da stani,  
Surterà la socerona,  
E vi tucherà la mani  
E vi sarà prisintatu  
Una pinta di caghiatu.”